

Kiānchoân ê Kàuġi

2 Chóng sī, lí ê kàsī tiòh ài hùháp kiānchoân ê kàuġi. ² Lí tiòh khng nîtióng ê lāng ài ū chúnchat, tiòh toanchiàⁿ, ē koánsok kakī, koh ū kiānchoân ê sngióng, thiàⁿsim kah nāisim. ³ Lí mā kángkhoán tiòh khng nîtióng ê hūlí, kiáⁿtáh tiòh hùháp kèngkhiân ê sngióng, m̄ thang húipòng, mā m̄ thang hō chiú khòngchè; tiòh chò hó bôhoân lái kàsī lāng, ⁴ chiah ē tàng tokchhiok siàuliân ê hūlí khi thiàⁿ in ê tiōnghu, thiàⁿ in ê kiáⁿjī, ⁵ koh koánsok kakī, chengkiat, liāulí kasū, siānliong, sūnhók kakī ê tiōnghu, biántit SiōngChú ê tōlí siū tiòh húipòng.

⁶ Lí mā kángkhoán tiòh khng siàuliân ê chapó lāng koánsok kakī. ⁷ Tī ták hāng tāichì téngbīn, lí lóng tiòh í sin chok chek, kàsī lāng ê sī tiòh hiánsī chhut chéngtit, giāmsiok, ⁸ jīchhiáⁿ giānsū tiòh toanchiàⁿ, bô thang chíček, hō hiahê hoántùi lí ê lāng kámkak kiānsiàu, inūi in tui lán bô siáⁿmih pháíⁿōe thang kóng. ⁹ Lí mā tiòh khng chò lôpók ê tiòh sūnhók in ê chúlāng, hoānsū tiòh hō chúlāng hoaⁿhí, m̄ thang ìnchhùi ìnchlh, ¹⁰ mā m̄ thang thauthèh, tiòh piáuhian chápun ê tiōngseng, thang tī ták hongbīn ūi lán ê KiùChú SiōngChú ê kàsī kethiⁿ kongchhái.

¹¹ Inūi SiōngChú chíngkiù choân jīnlūi ê intián íkeng hiánbēng chhutlái à. ¹² Chitê intián teh kàu^{tō} lán tiòh khisak bô kèngkhiân ê sengoáh kah sióksè ê suiók, tī kimsè kòe koánsok kakī, konggī koh kèngkhiân ê sengoáh, ¹³ tōngsī thènghāu hitê chhiong^{mó}a hokkhi ê òngbāng, iā tòh sī lán chikōan ê SiōngChú kah KiùChú lésu Kitok êngkng ê hiánhiān. ¹⁴ Kitok ūi lán pangsak kakī ê sèⁿmiā, sī beh kiùsiók lán thoatlī itchè ê chōeok, koh séchheng lán, hō lán chiáⁿchò l súnkiat ê chúbīn, thang jiátsim chò hósū.

¹⁵ Lí tiòh thoánkáng chiahê tāichì, koh tiòh ūnióng itchè ê koānpèng lái khoānbian lāng kah chekpī lāng. M̄ thang hō jīm^{hō} lāng kā lí khòⁿkhin.

健全 ê 教義

2 總是，你 ê 教示 tiòh ài 符合健全 ê 教義。 ² 你 tiòh 勸年長 ê 人 ài 有攔節、tiòh 端正、ē 管束 kakī, koh 有健全 ê 信仰、疼心 kah 耐心。 ³ 你 mā 全款 tiòh 勸年長 ê 婦女，行踏 tiòh 符合敬虔 ê 信仰，m̄ thang 誹謗，mā m̄ thang hō 酒控制；tiòh 做好模範來教示人， ⁴ chiah ē tàng 督促少年 ê 婦女去疼 in ê 丈夫，疼 in ê kiáⁿ 兒， ⁵ koh 管束 kakī、貞潔、料理家事、善良、順服 kakī ê 丈夫，免得上主 ê 道理受 tiòh 誹謗。

⁶ 你 mā 全款 tiòh 勸少年 ê chapó 人管束 kakī。 ⁷ Tī ták 項 tāichì 頂面，你 lóng tiòh 以身作則，教示人 ê 時 tiòh 顯示出正直、嚴肅， ⁸ 而且言詞 tiòh 端正，無 thang 指責，hō hiahê 反對你 ê 人感覺見笑，因為 in 對咱無啥物 pháíⁿ 話 thang 講。 ⁹ 你 mā tiòh 勸做奴僕 ê tiòh 順服 in ê 主人，凡事 tiòh hō 主人歡喜，m̄ thang 應嘴應舌， ¹⁰ mā m̄ thang 偷 thèh, tiòh 表現十分 ê 忠誠，thang tī ták 方面為咱 ê 救主上主 ê 教示加添光彩。

¹¹ 因為上主拯救全人類 ê 恩典已經顯明出來 à。 ¹² Chitê 恩典 teh 教導咱 tiòh 棄 sak 無敬虔 ê 生活 kah 屬世 ê 私慾，tī 今世過管束 kakī、公義 koh 敬虔 ê 生活， ¹³ 同時 thèng 候 hitê 充滿福氣 ê òng 望，也 tòh 是咱至 koān ê 上主 kah 救主耶穌基督榮光 ê 顯現。 ¹⁴ 基督為咱放 sak kakī ê 性命，是 beh 救贖咱脫離一切 ê 罪惡，koh 洗清咱，hō 咱成做祂純潔 ê 子民，thang 熱心做好事。

¹⁵ 你 tiòh 傳講 chiahê tāichì, koh tiòh 運用一切 ê 權柄來勸勉人 kah 責備人。M̄ thang hō 任何人 kā 你看輕。